



HVNORVM

PRAESIDIUM.

EA regio, quam uulgo Huneruck uocant, putatur olim fuisse Hunorum statio seu praesidium. De qua illustrissimus princeps Iohannes Palatinus, qui ei praesidet, ista supereditauit. Extant adhuc uestigia quaedam Hunorum in regione nostra. Nam haud procul à Siemern oppido nostro est fons quidam, qui uocatur Hounenborn, id est, Hunorum fons. Est & arx quaedam, quam uulgo uocat Hoinstein, in Cancellarijs uero appellatur Hunoltstein, quasi Hunorū rupes. Et aliud castrum Castellun, quasi castellum Hunorum. Porro ruck Germanis sonat tergum: tergo autem utitur pro tuto praesidio. Erat itaque regio ista Hunis olim tutum praesidium ob id potissimum, quod his tribus fluminibus Naha, Rheno & Mosella circumscribitur. Sed cum comites Spanheimenses, Ringrafenses, Veldentzenses atque Vuilgrafen ses exercitum ualidum in unum coegissent, colluuiem illius gentis in fugam uerterunt. Regioni huic, ut diximus, hodie praesident principes Palatini, heredes facti comitatum Spanheim & Veldencensis per dominam Annam, quae unica filia & heres fuit utriusque comitatus, & quam Stephanus Rupertus Palatinus & regis Romanorum filius uxorem duxit. Reliquit autem Stephanus duos filios, Fridericum & Ludouicum nigrum. Friderico obuenerunt ex Palatinatu Siemern, Bolanden, Vualdeck & Erenberg cum annexis praedijs, à matre Spanheim. Ludouico uero cessit à patre Zweibrucken, à matre Veldentz &c.

HASSONIA ET THVRINGIA.

Cum anno Christi 1001. imperium Romanum in Germanos translatum uarijs dignitatum gradibus adornaretur ab Otone tertio imperatore, instituerenturque quatuor duces, quatuor marchiones, quatuor Landgrauj, quatuor Burggrauj, quatuor comites &c. breuiter factum est, ut ob utilitatis successione defectum iste ordo confunderetur